

RESOLUCIÓN DE INSCRICIÓN NO REXISTRO DE ORDENACIÓN DO TERRITORIO E PLANEAMENTO URBANÍSTICO DE GALICIA.

Con data do 10 de xullo de 2026 a subdirección xeral de Urbanismo emitiu o seguinte informe proposta de Resolución:

Vista a documentación remitida polo Concello de Malpica de Bergantiños na que solicita a inscrición do Plan especial de reforma interior, unidade de actuación número 8, no Rexistro de Ordenación do Territorio e Planeamento Urbanístico de Galicia, con fundamento nos seguintes:

ANTECEDENTES:

O Pleno do Concello de Malpica de Bergantiños en data do 12 de maio de 2026 acordou a aprobación definitiva do Plan especial de reforma interior, unidade de actuación número 8, no Concello de Malpica de Bergantiños.

Dito acordo foi publicado no *Diario Oficial de Galicia* nº 112, do 17 de xuño de 2026.

FUNDAMENTOS XURÍDICOS:

PRIMEIRO.- A Disposición adicional primeira da Lei 1/2021, do 8 de xaneiro, de ordenación do territorio de Galicia establece que o Rexistro de Planeamento de Galicia, regulado na Lei 2/2016, do 10 de febreiro, do Solo de Galicia, e no capítulo X do título II do regulamento da dita lei, aprobado polo decreto 143/2016, do 22 de setembro, pasará a denominarse Rexistro de Ordenación do Territorio e Planeamento Urbanístico de Galicia.

SEGUNDO.- O artigo 88 da Lei 2/2016, do 10 de febreiro, do solo de Galicia establece que os instrumentos de planeamento urbanístico, unha vez aprobados definitivamente, e publicado no Diario Oficial de Galicia o acordo correspondente, deberán inscribirse no rexistro que, para tal efecto, se constituirá na consellería competente en materia de urbanismo.

O Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia (en diante RLSG) contén nos seus artigos 208 e seguintes a regulación do Rexistro de Planeamento Urbanístico de Galicia.

TERCEIRO.- Consonte co establecido no artigo 209.2.b) do Decreto 143/2016, do 22 de setembro, a inscrición no rexistro será obrigatoria e producirase a instancia do concello respectivo respecto dos instrumentos de planeamento cuxa aprobación definitiva lles corresponda.

En virtude do disposto no artigo 212.2 do RLSG o concello, con data do 3 de xullo de 2026, remitiu toda a documentación esixida para a súa inscrición no Rexistro de Ordenación do Territorio e Planeamento Urbanístico de Galicia.

CUARTO.- A inscrición dos instrumentos de planeamento no rexistro, incluídas as súas modificacións, deixará constancia da súa existencia, contido e datas de aprobación e será condición para a publicación da súa normativa no Boletín Oficial correspondente, de conformidade co establecido nos artigos 82 da Lei 2/2016, do 10 de febreiro, e 215 do Decreto 143/2016, do 22 de setembro.

A inscrición no rexistro de planeamento urbanístico é un acto formal que goza de independencia respecto das facultades atribuídas pola lexislación de réxime local para proceder ao requirimento de anulación dos actos e acordos das corporacións locais.



QUINTO.- Corresponde á Dirección Xeral de Urbanismo o exercicio de todas as competencias relativas á xestión do Rexistro de Ordenación do Territorio e Planeamento Urbanístico de Galicia, conforme co sinalado no artigo 208.2 do Decreto 143/2016, do 22 de setembro, e do Decreto 142/2024, do 20 de maio, polo que se establece a estrutura orgánica da Consellería de Vivenda e Planificación de Infraestruturas, en relación co Decreto 42/2024, do 14 de abril, polo que se establece a estrutura orgánica da Xunta de Galicia.

En virtude do exposto, e de conformidade coa Lei 2/2016, do 10 de febreiro, do solo de Galicia, o Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia, o Decreto do 142/2024, do 20 de maio, o Decreto 42/2024, do 14 de abril, demais preceptos de pertinente e xeral aplicación, e de acordo coa proposta da subdirección xeral de Urbanismo de data 10 de xullo de 2026, **RESOLVO:**

Ordenar a inscrición do Plan especial de reforma interior, unidade de actuación número 8, do Concello de Malpica de Bergantios, no Rexistro de Ordenación do Territorio e Planeamento Urbanístico de Galicia, co número de rexistro ROTPG/P/54/2026, da Sección II, do Libro I, Tomo V, folla rexistral nº 92.

Contra a presente resolución, que lle pon fin a vía administrativa, poderase interpoñer recurso contencioso-administrativo ante a Sala do contencioso-administrativo do Tribunal Superior de Xustiza de Galicia, no prazo de dous meses contados desde o día seguinte ao da notificación, sen prexuízo da formulación, no seu caso, de requirimento previo en igual prazo (artigos 44 e 46 da Lei 29/1998, do 13 de xullo, da xurisdición contencioso-administrativa).

Santiago de Compostela, data e sinatura dixital.

A directora xeral de Urbanismo
M^a Encarnación Rivas Díaz

